

ԳՆԱՑՔՆԵՐԻ ԵՐԹԵՎԵԿՈՒԹՅԱՆ ՄԱՍԻՆ

Հայկական ԽՍՀ ժողովրդական վերահսկողության կոմիտեն հաղորդում է. հոկտեմբերի 23-ին ադրբեջանական երկաթուղով Հայաստան է եկել. Նորաշենի հանգույցով՝ 15 զնացի 789 վագոնով, իսկ Իջևանի հանգույցով՝ վեց շարժակազմ 322 վագոնով:

Դրանք հանրապետության են բերել 122 ցիստեռն նավթամբերի, այդ թվում՝ 58-ը բենզին, ինչպես նաև 153 վագոն տնակներ, 103 վագոն շինանյութ, 56 վագոն ցեմենտ, 9 վագոն համակցված կեր, 22 վագոն արդյունաբերական ապրանք: Պարենային մրբերեններից եղել են 5 վագոն շափար, 3 վագոն պահածո, 10 վագոն կարտոֆիլ և այլն:

Անդրկովկասյան երկաթուղով եկել է 11 զնացի՝ 300 վագոնով:

Դրանք բերել են 22 ցիստեռն բենզին, 146 վագոն շինանյութ, 10-ական վագոն տնակներ ու ցեմենտ և այլն:

Ինչպես հայտնի է, օրերս ԽՍՀՄ

Մինիստրների խորհրդի նիստում նշվեց, որ երկրում արտակարգ իրադրություն է ստեղծվել ժողովրդատնտեսական բեռների փոխադրումների հարցում: Ներկայումս այդ պրոբլեմը ամենակարևորն է Հայկական ԽՍՀ-ի համար:

Անդրկովկասյան երկաթուղու Երևանի բաժանմունքում հայտնեցին, որ շնայած Հայաստանի և Ադրբեջանի երկաթուղային կապի վերահաստատմանը, հարկ է ասել, որ մինչև օրս ադրբեջանական կողմը խախտում է գրեցիկների երթևեկության և կազմման գրաֆիկը: Դրա հետևանքով վերջին ժամանակներս հանրապետությունը չի ստացել տասնյակ շարժակազմեր: Միևնույն ժամանակ հոկտեմբերի սկզբից Վրաստանից «կյանքի նախադարձով» Հայաստան է եկել պլանով նախատեսվածից 65 զնացուկով ավելի:

Հարկ է նշել, որ առաջվա պես նավթամբերենների ստացումը չի

անցնում նորմայի տասը տոկոսից: Ադրբեջանում շատ երկաթգծեր լինեն բենզինի, տարբեր վառելիքային տեսակների ցիստեռններով, պարենային և այլ բեռներով:

Երկրի նախապարհներին կանգնեցված է Հայաստանի համար նախատեսված բեռներով լի 21300 վագոն:

Հանրապետության կայարաններում տակավին դանդաղ են վագոնների բեռնաբափման տեմպերը: Նորմայի 2000 վագոնի փոխարեն Իրևանի բաժանմունքը օրական բեռնաբափում է 1500—1600 վագոն:

Մինիստրությունների, գերատեսչությունների, շինարարական կազմակերպությունների ու ձեռնարկությունների հետ համատեղ ներկայումս միջոցներ են ձեռնարկվում բերությունների վերացման և վագոնների մշակման բարելավման համար:

(Արմենպրես)